



Broj: 12-19-3507/21
Datum: 16.03.2021.godine

Na osnovu člana 133. stav (6) Zakona o prostornom uređenju i građenju („Službene novine Zeničko-dobojskog kantona“, broj 1/14 i 4/16) i člana 3. Pravilnika o načinu formiranja, rada i obračuna naknade za rad Komisije za tehnički pregled građevina (broj 12-02-14238/18 od 28.12.2018. godine), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, objavljuje:

JAVNI POZIV

Za podnošenje prijave za sudjelovanje u radu komisija za tehnički pregled građevina i zahvata u prostoru iz nadležnosti Zeničko-dobojskog kantona

I.

Pozivaju se sva zainteresirana stručna lica da podnesu prijavu za sudjelovanje u radu komisija za vršenje tehničkog pregleda građevina i zahvata u prostoru iz nadležnosti Zeničko-dobojskog kantona, a shodno članu 133. Zakona o prostornom uređenju i građenju („Službene novine Zeničko-dobojskog kantona“, broj 1/14 i 4/16) i to iz slijedećih struka:

- arhitektonske,
- građevinske,
- geodetske,
- elektrotehničke,
- mašinske,
- saobraćajne,
- tehnološke,
- veterinarske,
- zaštite na radu,
- zaštite okoliša,
- zaštite od požara i eksplozija.

II.

Za sudjelovanje u radu komisija za vršenje tehničkog pregleda mogu se prijaviti stručna lica koja imaju najmanje VSS iz navedenih struka, sa pet godina radnog iskustva u struci i položenim stručnim ispitom za oblasti za koje je propisana obaveza polaganja. Doktori nauka i magistri iz oblasti za koju se prijavljuju dostavljaju rješenje o oslobađanju obaveze polaganja stručnog ispita umjesto uvjerenja o položenom stručnom ispitu.

III.

Uz prijavu sa tačnom adresom, JMBG, i brojem telefona (fiksni / mobilni), potrebno je priložiti slijedeća dokumenta u originalu ili ovjerenoj kopiji:

- Kratka biografija sa listom referenci, uz obaveznu naznaku uže oblasti za koju se stručno lice prijavljuje,
- Diploma VSS (VII stepen stručne spreme, odnosno visoko obrazovanje Bolonjskog sistema studiranja sa najmanje 240 ECTS bodova),
- Dokaz o radnom iskustvu iz tačke II. Javnog poziva,
- Dokaz o položenom stručnom ispitu i/ili dokaz o sticanju naučnog zvanja, kao i dokaz o

- stručnom osposobljavanju za posebne oblasti predviđenom posebnim propisima,
- Naziv poslovne banke i broj transakcijskog računa.

IV.

Stručna lica koja se nalaze na listi objavljenoj na web stranici

(<https://www.zdk.ba/ministarstvo-za-prostorno-uredenje-promet-i-komunikacije-i-zastitu-okoline/item/7290-pravilnik-o-nacinu-formiranja-rada-i-obracuna-naknade-za-rad-komisije-za-tehnicki-pregled-gradevina>)

uz prijavu sa tačnom adresom i brojem telefona (fiksni / mobilni), dužna su priložiti slijedeće:

- Kratka biografija sa listom referenci, uz obaveznu naznaku uže oblasti za koju se stručno lice prijavljuje,
- Naziv poslovne banke i broj transakcijskog računa.

V.

Prijave sa dokazima o ispunjavanju uslova iz tačke III. i IV. Javnog poziva podnose se u roku od 30 dana od dana objave u dnevnom listu „Dnevni avaz“, neposredno na protokol Zeničko-dobojskog kantona ili putem pošte na adresu:

Zeničko-dobojski kanton
Ministarstvo za prostorno uređenje, promet i komunikacije i zaštitu okoline
Kučukovići broj 2
72 000 Zenica

sa naznakom „Prijava za sudjelovanje u radu komisija za vršenje tehničkog pregleda građevina i zahvata u prostoru iz nadležnosti Zeničko-dobojskog kantona“.

Javni poziv će biti objavljen i na web stranici Zeničko-dobojskog kantona

<https://www.zdk.ba/javni-pozivi>

Nepotpune i neblagovremene prijave neće se razmatrati.

MINISTAR:
Arnel Isak

